



Bidasoa - Txingudi

**ARTE DIGITALEKO MUGAZ GAINDIKO 1. LEHIAKETA**  
**«MARRAZTU BIDASOA»**  
**BIDASOA-TXINGUDI - 2022**

Bidasoa-Txingudi Mugaz Gaindiko Partzuergoak 2022ko arte digitaleko lehen «Marraztu Bidasoa» lehiaketa deitzen du, oinarri hauen arabera:

**OINARRIAK**

**PARTE-HARTZAILEAK:**

1.- LEHIAKETA honetan parte har dezakete nahi duten artista amateur guztiek, 30 urtekoak edo gazteagoak badaira, bizitokiaren edo herritartasunaren alorreko inolako mugarik gabe.

**BALDINTZA TEKNIKOAK:**

2.- Parte-hartzaile bakoitzak LAN BAKARRA aurkeztuko du lehiaketara, arte digitaleko teknikak erabiliz egindakoa. Lanak posta elektronikoz bidaliko dira, egilearen sinadurarik gabe.

3.- Mezu elektronikoen gai bezala «MARRAZTU BIDASOA» lehiaketaren izena aipatuko da, eta mezu elektronikoen deskribapenean adieraziko dira aurkeztutako lanaren izenburua, egilearen izen-abizenak, nortasun-agiri nazionalaren fotokopia, obran islatutako lekua edo kontzeptua, posta-helbidea, helbide elektronikoa eta harremanetarako telefono-zenbaki bat.

4.- Lanak bi formatutan entregatuko dira: bereizmen handian inprimatzeko formatuan, fitxategia jaisteko esteka bat adierazita, eta mezu elektronikoa erantsitako fitxategi gisa, bereizmen txikiko JPG formatuan, epaimahaiko kideei bidaltzeko eta behar bezala ikusteko moduan.

**LANA EGITEKO IRIZPIDEAK:**

5.- Lehiaketara aurkeztu diren lanek Bidasoa-Txingudi inguruko mugaz gaindiko lurraldeko paisaia bereziak izango dituzte erreferentziatzat NAHITAEZ. Gure lurraldea identifikatzen duten leku emblematikoenak islatzea da xedea, Irun, Hondarribia eta Hendaia hirietako udal-mugartean.

**SARIA:**

6.- SARI bakar bat egongo da, epaimahaiak aukeratzen duen lehiaketaren lan irabazlearentzat. 500 (bostehun) euroko zenbatekoa izango du, eta Bidasoko Garapenerako Agentzia SAK (Bidasoa bizirik) ordainduko du legezko atxikipenak aplikatu ondoren, egun indarrean dagoen lankidetzat-hitzarmenaren arabera.

**LANAK ENTREGATZEA:**

7.- Lanak entregatzeko azken eguna 2022ko abuztuaren 31a da, larunbata (egun hori bane), oinarriak Gipuzkoako Aldizkari Ofizialean argitaratu eta gero. Lanak Bidasoa-Txingudi Mugaz Gaindiko Partzuergoaren helbide elektronikora bidali behar dira ([consorcio@bidasoa-activa.com](mailto:consorcio@bidasoa-activa.com)), eta jaso izanaren abisua helaraziko zaie bidaltzaileei.

**EPAIMAHAIA:**

8.- Epaimahaia 3 kidek osatuko dute, Bidasoa-Txingudi Mugaz Gaindiko Partzuergoa eratzen duten hiru udallerriek proposatuta (Irun, Hondarribia, Hendaia); idazkari gisa, ahotsarekin eta botorik gabe, Partzuergoko talde teknikoko kide bat arituko da.

Epaimahaiak 32 lan hautatuko ditu gehienez ere, egoeraren arabera posible bada 2022. Udazkeneko denboraldian Bidasoko Interpretazio Zentroan egingo den erakusketa baterako. Lan horiek Bidasoa-Txingudi Mugaz Gaindiko Partzuergoaren webgune ofizialean argitaratuko dira ([www.irunhondarribiahendaye.com](http://www.irunhondarribiahendaye.com)). 32 lan horien artean, Epaimahaiak irabazle nagusia hautatuko du, eta hark SARIA jasoko du Partzuergoko kide diren hiru hirietako ordezkarien eskutik.

Datak eta lekuak orientagarriak dira, eta baliteke aldatzea.



Bidasoa - Txingudi

#### LANEN ERABILERA:

9.- Erakusgai jarriko diren lanak Bidasoa-Txingudi Mugaz Gaindiko Partzuergoaren eta Bidasoa bizirik Bidasoko Garapenerako Agentziaren, Hondarribia turismoa, Irun Turismoa eta Hendaye Tourisme entitateen, eta Irungo, Hondarribiko eta Hendaiaiko Udalen irudi-funtsaren parte bihurtuko dira. Artistek baimena ematen diete erakunde horiei guztiei irudi horiek hedatzeko eta eskubide osoz erabiltzeko.

#### LAN IRABAZLEAREN JABETZA:

10.- Mugaz Gaindiko Partzuergoa izango da lan irabazlearen jabea, eta egoki deritzon moduan erabili ahal izango du, ondore guztietarako, betiere egilea edo egileak aipatuta.

#### LANEN INPRIMAKETA:

11.- Bidasoa-Txingudi Mugaz Gaindiko Partzuergoa arduratuko da erakusketarako eta lanak erakusgai jartzeko beharrezkoak diren inprimaketa- eta programazio-lan guztiez.

#### ONARPENA:

12.- Lehiaketa honetan parte-hartzeak berekin dakar Oinarriak erabat onartzea eta Epaimahaiaren erabakiekin ados egotea, baita edozein erreklamazio egiteari uko egitea ere. Partzuergoko Presidenteak izango du aurrekusi ez den gai oro erabakitzeko ahalmena.

#### ARGITALPENA:

13.- Oinarri hauek erakusgai jarriko dira Gipuzkoako Aldizkari Ofizialean, <http://www.irunhondarribiahendaye.com> webgunean eta Bidasoa-Txingudi Mugaz Gaindiko Partzuergoaren egoitzako iragarki-taulan, oinarriak onesten diren datatik lanak aurkezteko epea amaitu arte.

14.- Era berean, informazioa Bidasoa-Txingudi eskualdeko komunikabideen bidez hedatuko da, baita elkarten edo Mugaz gaindiko Partzuergoa eratzen duten hiru hirietako (Irun, Hondarribia eta Hendaia) udalen edo intereseko beste erakunde batzuen bidez.

#### BESTELAKOAK:

15.- Baztertu egingo dira lehiaketaren oinarrietan adierazitako baldintzak betetzen ez dituzten lanak.

16.- Biltzen diren datu pertsonalak Bidasoa-Txingudi Mugaz Gaindiko Partzuergoak agerraldi kultural komunak egiteko duen helburua gauzatzeko jasoko dira. Partzuergoaren informazio-sisteman sartuta dira, eta datu pertsonalak babesteko legediak aipatzen dituen kasuetan bakarrik lagako zaizkie hirugarrenei.

Datuetara sartu, zuzendu, ezabatu, mugatu eta haiei kontra egiteko eskubideak gauzatzeko, interesdunek Bidasoa-Txingudi Mugaz Gaindiko Partzuergora jo behar dute, haren egoitza elektronikoaren bidez ([www.irunhondarribiahendaye.com](http://www.irunhondarribiahendaye.com)). Horrez gain, erreklamazioa aurkeztu ahalko dute Bidasoa-Txingudi Mugaz Gaindiko Partzuergoaren datuak babesteko ordezkariaren aurrean, [ResponsableLOPD@bidasoa-activa.com](mailto:ResponsableLOPD@bidasoa-activa.com) helbide elektronikora idatzia, edo Datuak Babesteko Euskal Bulegoaren aurrean ([www.avpd.euskadi.eus](http://www.avpd.euskadi.eus)).

#### INFORMAZIOA:

**Lehiaketaren antolatzailea:** Bidasoa-Txingudi Mugaz Gaindiko Partzuergoa – Ducoureaux jauregia, Hendaia kalea 8, Irun - Tel. 00. 34. 943. 50. 96. 00 - Helbide elektronikoa: [consorcio@bidasoa-activa.com](mailto:consorcio@bidasoa-activa.com)

Irunen, 2022ko apirilak 8.

**PRESIDENTEA, Jose Antonio SANTANO CLAVERO**

